




54



高太史大全集



四

Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

Blue Cyan Green Yellow Red Magenta White 3/Color Black

**TIFFEN** Color Control Patches © The Tiffen Company, 2007



高太史大全集卷之十

吳郡高啓季迪著

南州徐庸用理編

題董元戰沙龍

人間滴罷天瓢水  
歸護玄珠卧沙裏  
空潭白日不聞雷  
雲霧俄隨轉身起  
誰言北苑筆意精  
頭角破屋將飛騰  
細看圖畫何煩恐  
曾謁真龍遊太清

松隱爲愛叔能賦

江邊柳樹溪邊花  
晉處士宅秦人家  
秋風忽來春雨過  
坐看衰落俱堪嗟  
山中相依歲年久  
羨君獨結蒼

髯叟短褐長鏡不鮮  
畊茨作食花爲酒我今身似  
浮雲間正合著在長林間  
明朝倘許同棲泊便擬飛  
隨白鶴還

蕭山尹明府吳越兩山亭

憶昔看山吳越遊酒酣鼓棹江中流  
左招舞鳳來百里右顧卧龍橫  
半州崢嶸兩勢不相下氛翳淨掃當  
高秋文身烏喙昔分處有國本是名  
諸侯區區仁暴固無異朝吞暮併山  
應羞不知千載竟誰主伯氣倏與  
飛煙收邇來此地有兵甲風景頗似  
當年愁黃雲蔽天道路遠我欲再尋  
應莫由聞君作亭壓此境坐

獲衆勝非窮搜江長不隔飛鳥渡  
峯多欲障斜陽留廢興自古屬造化  
登臨未須生百憂但當矯首望東海  
一杯咲舉邀浮丘

虎丘行次朱賞靜見寄韻

我謀我隱西郭西讀書坐覺長身低  
出門到寺纔數里野水沙竹生秋輝  
恨無酒舫漾落日百錢行自懸青藜  
時危未卜久安宅幸遇勝地須扳躋  
山中况逢暑雨過枇杷樹高陰滿池  
興來即遊興盡返迎送豈要山僧知  
兩崖石根下挿水綠藤倒拂風生漪  
空堂朝鼓起龍蟄高塔夜鈴驚鷓鴣  
棲人生在世本爲客隨

意且留何必歸五陵莫嘆今日異城郭更恐侂年非  
蒼茫萬事孰可問孤鳥已沒空煙霏念君不遊何所  
爲作字寄我如張芝真娘有靈應大笑把酒豈不延  
題詩秋風今朝動江浦掛席正是當年期與君一吊  
興廢迹荒臺古樹聞烏啼

題美人對鏡圖

曉院鹿盧鳴露井玉人夢斷梨雲冷起開粧閣笑窺  
奩月裏分明見娥影自對猶憐况主家春風一面斷  
腸花何由鑄入青銅內不使秋霜老髮華

贈賣墨陶叟

龍井老人稱墨仙有家近在荆溪邊鐵臼秋鳴竹屋  
雨瓦溝春掃桐窓煙玄玉初成敢輕用萬里豹囊曾  
入貢日長小斲試烏絲光迸驪珠欲浮動世間潘李  
今已無黃金滿篋爭來沽詞臣供寫上林賦畫史藉  
作瀛洲畚文物年來頗凋弊喪亂誰言少知貴便須  
從子乞雙螺醉草檄書磨插鼻

鳳臺三益畬

元集賢院待制馮海粟公自號瀛洲客嘗  
被斥遊金陵鳳凰臺作詩吊李謫仙好事  
者爲作鳳凰臺遊畬近有詩示求題賦此

塞之

謫仙昔作供奉臣詩語不合妃子嗔鑿坡無地容侍  
直錦袍來醉金陵春金陵臺高鳳凰去西望長安竟  
何處江聲空打石城潮山色猶橫歷陽樹騎鯨一去  
五百秋花草滿暉埋春愁瀛洲老客綠玉杖咲領賓  
客還來遊才氣風流頗同調曾入金門待明詔當年  
流落不自悲却問前人欲相弔可憐二子遭清時放  
逐江海空題詩賴有高名足難朽何用粉墨他年垂  
夕陽欄檻登臨後誰復來遊酌盃酒履痕寂寞隱蒼  
苔樓烏啼滿臺前柳

送張負外從軍越上

鷓鴣啼霜海城白誰掃行車出南陌刀頭裝得頭酬  
恩知是狂遊廣州客擊筑悲歌斗酒前又從飛將去  
臨邊幕中草撥風生筆馬上吟詩月在羈秋聲萬里  
隨征鴈南北長江竟誰限明朝若上越王臺應有中  
原陸沉嘆

詠雪禁體次徐文學韻

邊城雪埋深沒籛風旋餘花吹酒盞幾人研虜渡冰  
河直指穹弓不能滿我方高枕聽蕭瑟却喜今年瘴  
全浣寒添柳院覺春遲明透竹窓驚夜短未成豪飲

園翠袖且辨清吟呵象管鋪庭擁路掃難開三日不  
消知待伴翻疑塞北雲正冷可信江南地先暖愁封  
小窻僵蟄虫驚折危柯殞巢外林中樵絕暮無煙野  
外獵來晨有曛趙女依稀舞態斜郢人寂寞歌聲斷  
此時自嘆少清歡月下閉門誰解款山陰老客雖苦  
病放曠猶能類中散長鬚踏雪送詩筒白戰令嚴烏  
敢緩開簾尚恨不同賞醉看帽歌仍褊袒祇期明日  
有晴暎遠訪梅花湏勿懶

送曹生歸新安山中

黃山西來九華連岩洞翁忽通雲煙白鵝嶺下煉丹

處瑄草獨秀今千年三十六峯在青天仰面歷數舉  
馬鞭高林雜樹多未識風雨一過俱惹羊山深何物  
尤可憐秋禽幽鳴巧如絃路迴澗阻似無地中有薛  
藥千家田雲間鷄犬隔流水居人彷彿皆神仙我欲  
窮遊久無緣羨君忽去尋歸船猿聲兩岬溪幾曲白  
沙明月相回空到時西峰草堂前應有携酒來華顛  
山人不喜說朝市但話久別情依然塵埃舊褐便可  
脫濯費十斛山中泉爲予淨掃石上葉早晚有意來  
高眠

題陳節婦

節婦姓孫郡人陳已久之妻也已  
客死節婦守志其孫彥遜求題賦此

嬌兒嘯語羅幃暮銀燭搖光夜香度狂風忽起海東  
頭吹斷蘭州去時路去時豈惜千金軀煙濤竟沒珊  
瑚樹精衛寃深水更深身小天高向誰訴寂寞塵奩  
掩鏡光可憐不復照晨粧階前莫剪青青草生死終  
身不下堂堂中素幔空時祭賴有孤兒拜虛位白日  
哀思眼不乾夜枕還流夢中淚妾本孤桐斷作琴一  
絃只作一絃音逢人不奏鳳凰曲別鶴離鸞夜夜心

晚步西郊見駕鵝群飛

平煙漠漠天蒼蒼牛羊不牧野草黃駕鵝東來高作  
行晴空忽墮數點霜紫塞碧海遙相望下視鳧鴨愁

陂塘書生見此心欲狂便思呼鵝上馬馳鷓鴣之裘  
自倒披箭聲脫絃鳴餓鴉遠翻正落雙參差仰空拍  
手誇絕竒豪氣服殺并州兒也勝閉門坐詠詩

次韻揚孟載早春見寄

雪後西園非初剪流澌晚動春塘淺閉門有客抱深  
愁久不題詩硯生蘚風塵健兒誇得意獨坐寂寥誰  
所遣應緣少學與時違不習弓刀誦文典城中勿貴  
市門靜好事猶能具盃鬻琴堂朝夕共清歡舉白頻  
浮不容免鈴騶已遊賓客醉深夜垣扉罷高捷一燈  
留照對床談涕鼎松聲烹綠薺五更上馬子先去擁

被獨眠窓日睨起聞啼鳥忽興發欲往江邊雲隔嶽  
人家舊燕盡巢林草滿長洲絕遊輦春耕咫尺阻歸  
計野水自流閑澹畎吾鄉繁華天下稀花柳村村隨  
步轉久聞離亂今始見煙火高低變烽燧登臨吹笛  
散群羗此事空嗟千古鮮朝來風雨况凄黯雨濕城  
頭旗不展隣里衝泥備役夫縣官不召伶疲喘安居  
且復俟時寧出豈無能非退卷范庄紅杏幾株在好  
待開時同折撚對花憂患不須言刺喚一盃供脚軟

鹿

日暖吻吻草際鳴養馴未省見人驚雲山別却啣芝

侶來向朱闌花下行舊毛雪白新葺綠曾在宜春苑  
中畜幾人逐走向中原輸與吾皇稱疾足

倒掛

綠衣小鳳啼愁羅瘦影翻懸挂枝下芙蓉帳裏篆消  
時鮮欵餘香散中夜鐘鼓迢迢鎖禁門宵衣未得奉  
明恩五更香冷羅浮月想憶梅花應斷魂

思夫山

江上曾看望夫石湖中望見憶夫山夫君好采山中  
藥獨得長生竟不還不似蕭郎與秦女乘鸞同去彩  
雲間

題陶生蕪寄周記室

馬頭交語臨長陌，我手持杯君揖策。官槐風起咽秋蟬，日暮偏傷遠行客。故鄉故人離別多，過江相見問如何。軍中莫嘆書生怯，還有能當曳落河。

萊適爲余唐卿賦

柱桐里中君始歸，萊花滿園黃蜂飛。桔槔倚樹長不用，江南雨多山土肥。方畦獨遶看新綠，晚食何須尚思肉。翠縷登盤春蕤香，金釵出盎冬蕤熱。我家亦在蓴菰鄉，秋風便應題共嘗。潮州司馬成何事，回首空愁足萬羊。

詠苑中秦吉了

不獨能言異凡鳥，最愛佳名呼吉了。雕籠幾度學鷄鳴，驚起煙花六宮曉。駕來別院未知迎，先聽遙呼萬歲聲。願把春風一杯酒，從今莫聽上林鶯。

苦寒書江上主人壁間

慘節欲盡郊原空，北風五日吹沙蓬。客子東遊骨肉遠，主人賴有江邊翁。青燈白酒同傾瀉，醉擁布衾茅屋下。中宵不敢愁苦寒，猶有窮年遠行者。

聽南康陳協律彈楚歌

我聞楚客彈楚聲，初絃一揮逸馬驚。嗚咽哀音動寒

月正如歌發漢軍營中一曲還漸理想見彷徨帳  
中起美人掩泣壯士悲寶劍無光黯秋水淒涼蚤弄  
悄欲終應憐歸騎阻江東蓋世英雄竟如此遺調空  
留感人耳四座相逢今夜聽霜風忽來庭樹零無言  
有愁俱酒醒

送張進士會試

國家文治今百年多士商賁皆知天南宮坐試二三  
策能使海內無遺賢院門晨開官燭爛白袍鵠立人  
三千上談禮樂祖姬孔下議制度輕讐玄臨軒曾看  
宰相賀雲瑞盡見當臚傳看花或騎大僕馬錫宴每

給司農錢登朝出牧知幾輩冠佩劍為紛相聯邇來  
國運屬中地爭慕死節羞生全潯陽老守鬚汗赤山  
東大將蒐沉淵迺知儒術王政本至此尚賴扶傾顛  
諸生區區抱遺籍草萊竄亡亦可憐南方上公境獨  
治鹿鳴更欲與賓進入場叉手萬言就衆目一葉驚  
先穿嚴裝又隨計吏發京城遠瞻北斗連秋風吹雲  
別酒冷枯揚淺水閭門邊君行勿亟我有語落日正  
在車衡縣竊聞天子正側席此去為拜彤庭前揮毫  
休奏醴泉頌給札莫賦凌雲篇但當開口論世事號  
令次第宜何先坐令王綱復大正乾樞共仰天中旋

我今有志未能往矯首萬里雲茫然

明月舟秦郵呂彥行題所寓室曰明月舟蓋  
取甃社湖中有明月之句也

明月非月舟非舟問君乘之何所遊風多浪高徧處  
處日莫欲渡令人愁此鄉偶似淮南住醉客每來歌  
白苧夜深天黑楚神光幾箇驚烏落高樹君才照國  
不照車何用尚隱江湖居嗟予未識青藜杖願借舟  
中卧讀書

京師苦寒

北風忽發浮雲昏積陰慘慘愁乾坤龍蛇蟄泥馱入

穴怪石凍裂生皴痕臨滄觀下飛雪滿橫江渡口驚  
濤奔空山萬木盡立死未覺陽氣回深根茅簷老父  
坐無褐舉首但望開朝暾苦寒如此豈宜客嗟我歲  
晚飄飄竟尋常在舍信可樂床頭每有松醪存山中  
炭賤地爐暖兒女環坐忘卑尊鳥飛亦斷况來友十  
日不敢開衡門竭來京師每晨出強逐車馬朝  
天閣歸時顏色黯如土破屋暝作飢鷲蹲陌頭酒價  
雖苦貴一斗三百誰能論急呼取醉徑高卧布被絮  
薄終難温却思健兒戍西北千里積雪連崑崙河水  
踏碎馬蹄熱夜斫堅壘收羌渾書生只解弄口頰無

力可報

朝廷恩不如早上乞身疏一策歸釣江南村

曉出城東門聞櫓聲

城門朝開路臨水人語煙中近魚市誰搖飛擄入蒼  
茫帶夢驚鳧柳邊起過處寒波動拍沙遠聞嘔軋復  
咿啞征夫車轉山頭阪工女機鳴竹外家我身本是  
江湖客偶墮黃塵曉行役此聲空憶舊曾聽舟中酒  
醒東方白

始歸江上夜聞吳生歌因憶前歲別時

前年月夜聞君唱秋滿蘆花此江上一聲離思水茫

然雲逐孤帆共搖颺驚魚噴浪棲鷓飛木葉散落風  
吹衣蓮歌盡歇松陵浦漁笛還沉笠澤磯停杯數到  
臨終拍露下無聲斜漢白滿船相送盡悽然况我當  
為遠行客解纜今年別紫宸歸舟江上又逢君一  
尊重聽當年曲相對渾疑夢裏聞東方欲曙餘聲絕  
悲喜盈襟竟誰說願長把酒聽君歌從此天涯少離  
別

夏珪風雪歸庄畜

江雲粘波曉模糊青山忽失如亡逋乾坤瑩淨冰作  
壹春意散入千林枯野橋古渡行人無清響瑟索鳴

殘蘆江天萬里一老夫短策如蝟舟如鳧魚寒入泥  
不上窠歸來遠識漁村孤柴門夜叩聞犬呼逕竹壓  
折誰相扶山妻自炊糲子沽不羨炙肉園紅爐嗟予  
客遊歲屢徂詩囊隨驢走髯奴長安何處覓酒徒飛  
花撲頭帽不烏旅舍無夢還江湖慙對風雪歸庄畜  
南州野人爲吳邑曾令賦

南州沃壤非泥塗清泉流渠歲不枯若人抱來斬水  
上始志自比躬耕徒幸逢

堯舜可在野起縮墨綬來東吳一鞭不驅雨後犢兩  
鳥已化空中鳧郭西春朝布谷語柔桑綠雲連太湖

下車殷勤告父老勸耕爲汝犁先扶我本野人偶叨  
祿向汝未忍施鞭蒲五風十雨和氣應勿遣寸土生  
蒿蕪太平村落鷄犬靜社飲自足歡妻孥但當相率  
了官務莫勞縣吏來催租民言此令善教我斗酒相  
壽歌嗚嗚共問野人竟誰是堂中鳴琴賢大夫

欲訪李孝廉至婁江遇風而回

船頭曉日浮江面東望青山是婁縣尋君此去愛潮  
平出浦那知風色變煙雲翕忽波浪湧咫尺漁村已  
難見高樹巢傾鸛鷓愁深潭窟陟鼉龍戟舟師挨柂  
若無力帆勢如蓬幾飄轉中丞不進卻歸來握手何

由遂初願人生會合應有時天意茫茫吾敢怨

夜泛湖至東舍

漁邨港頭初月上鵝鴨不收菰荻響隔湖煙寺遠鍾  
來居人盡歸吾獨往寒風蕭蕭寒浪生舟中欠載酒  
壺行東家未宿如相待黃荼青燈機杼鳴

約諸君遊范園看杏花

去年春色近清明萬匝煙花夾曉城西苑相逢車馬  
問何人不是踏春行今年人迷去年道風雨不來花  
自掃僧寺庭空半紫苔侯家宅廢皆青草縱然無主  
一株存憔悴塵沙不可論野外日斜啼鳥散消愁無

處却消魂魏公園林芳塢下聞有柔枝正堪把休言  
亂後少花看得到花前人亦寡明日尋君君莫違共  
隨遊蝶弄晴暉閉門夢斷江南晚忍見迢迢春自歸

鷗捕魚

秋江水冷無人渡群鷗忍飢愁日暮白頭來往似漁  
翁心思捕魚江水中眼明見魚深出水復恐魚驚隱  
蘆葦須臾啣得上平沙鱗鬣半吞猶見尾江魚食盡  
身不肥平生求飽苦多饑却猜人少忘機者海上相  
逢不飛下

泉南兩義士歌

泉南兩士陳與孫少小相約為弟昆合踈成戚契誼  
重異木纏結如同根升堂握手出肺腑交拜二母開  
壘樽具舟期賈海外域欲度夷變窮昆命滄溟東望  
浸天爛颶風怒攪波濤渾天吳恍惚出怖客掀舞鯨  
鰐飛鵬鯤孫言陳宗惟子在遠涉巨險吾宜奔汝親  
頭白倚門切慎勿輕去遠晨昏相讓不得乃更往桂  
席遙指扶桑瞰望山行覓島中國卉服通譯侏儻言  
尋煙莫投薜荔屋趣墟晝集枕柳村踰年還家喜得  
寶木難火齊并瑤琨探囊用取兩不較屑屑彼我誰  
復論急難相援誓終始歲時燕慶烹羔豚義風久已

動殊俗椎結相見知欽尊我聞同氣有爭利閱牆往  
往隳家門又看結交許歲晚盟盤未撤渝情恩管鮑  
居貧乃共濟餘耳得勢終相吞若茲二子古亦少簡  
牘可使他年存竹歌為繼王子傳薄俗視此庶堪敦

節婦吟

城頭黑雲如破屋車走爭門折千軸姚家新婦亦東  
逃舅姑驚惶兒女嗥自知數口難俱免欲渡前溪舟  
尚遠囑夫棄妾當奉親獨赴清流不愛身此日誰能  
問南史如婦曾書幾人死

立秋前三日過周南飲雷雨大作醉後走筆

書壁間

周郎乃是同鄉友，亂後相逢驚老醜。  
日斜邀我話舊游，爲喚金陵白門酒。  
一盃乍解羈旅顏，兩盃漸沃粘吟口。  
三盃不覺已陶然，此身竟到無何有。  
青天俄忽震霹靂，白浪翻江怒蛟吼。  
急雨爭鳴池上荷，狂風已折門前柳。  
醉中相對正坐忘，七箸何須驚落手。  
家人喧呼水入戶，顛倒屋茅隨地走。  
床床避漏且莫歎，旱氣方除賀田叟。  
尊收預到三日前，淨掃炎氛去如帚。  
黃昏泥潦歸未得，呼燭相留卧東牖。  
夜深酒醒起獨行，雲散城頭見星斗。  
乃知天變只須臾，人在艱難豈

云々

送張倅之雲間

鱸鄉亭前楓葉稀，讀書堆下征鴈飛。  
孤城迢遞秋色裏，作官自好休思歸。  
扁舟晚待潮東去，琴鶴由來是家具。  
別意方留江上盃，離心已掛雲間樹。  
如此風流一使君，文章政事更何云。  
絕憐退食蕪榮養，不向望白雲。

送王孝廉遊京歸錢塘

江南草長胡蝶飛，玉缸碧酒流春輝。  
相逢上客同買醉，白馬新自燕山歸。  
燕山歸來不堪說，易水寒風薊

門雪朝郎空隨使者車帝閭不受書生謁茄聲香渺  
歌苦辛短衣笑拂京華塵不留東閣觀奇士還覓西  
湖別故人此行莫嘆知音寡曾到黃金舊臺下荒  
遺址今已平更有何人致賢者

愛竹軒爲陳維寅賦

匡山老客何清真自繞園屋栽蒼筠年來無肉雖苦  
瘦家有萬玉誰言貧一竿護惜不忍剪何以持釣橫  
江鱗僅來掃葉自可喜客至踏筍長遭嗔軫軸啼罷  
結遠夢碧雲忽墮湘南春涼陰脩脩潤琴硯落翠冉  
冉沾衣巾詩成時向節下寫醉墨點破煙痕新風來

清嘯與相荅若聽金奏怡我神知無顏色媚兒女自  
古相愛惟幽人洛陽陌上花易過歌鍾競賞勞車輪  
何如此君最耐久歲晚結托同情親亂聲朝送簾外  
兩踈影夜拂牕前塵我嘗種此欲免俗亂後代盡惟  
荆榛故園咫尺未能去移家幸得爲子隣往來倘許  
如二仲敲門借看毋嫌頻

望月臺

臺前夜半烏啼時起望明月彈商絃月來照見臺上  
影松桂滿山風露冷

釣雪灘

江流欲漸魚不起一棹猶釣寒蘆裏漁村茫茫煙火  
微雪滿晚曉蓬人獨歸

幻住精舍尋梅

郭西雪後尋僧院短竹穿沙水如練梅花有待我來  
催十日春寒未開遍忽思前日渡江水夜解征帆宿  
山縣偶逢一樹在官廳爲寫新詩冰滿硯關山夢別  
今五年縞袂誰家月中見自慚喪亂尚飄泊淚眼如  
看故人面黃昏酒醒逐寒影繞樹千回意無倦南枝  
北枝亂如雪未許東風吹一片名園桃李盡荆榛空  
谷獨開君莫怨重來省視兩何如惆悵歸時有餘戀

北郭秋夜喜徐卿遠來兼南遊

東海徐君我同里日共周旋接冠履斯人自是真可  
人不見心憂見之喜豈容遠別間山岳兩歲僅收書  
一紙頗聞微祿不自養霧雨南方疫時起誰能忽送  
千里來應有飛鴻渡江水虫聲今夜空館涼秉燭相  
看疑夢裏瓊枝何以失舊色客路風塵亦勞矣我今  
不辭出門行病眼流眵肉生髀與奪得喪未足較惟  
有一貧聊復爾暫來即去何使然撫琴東西覓知己  
當時結交豈不多下車相揖今無幾頭君窮達存此  
心勿使千年笑餘耳

次韵荅朱冠君遊城西之作

前年城西作冶遊，柳條拂蓋花迷舟。笑看明月問狂客，我舉太白君當浮。去年城西復偶住，酒伴家家邀即去。東隣寺裏花正開，半醉半醒遊幾度。今年有花愁獨尋，閉門三日卧春陰。將軍小隊遊何處，日暮空聽車馬音。臯橋姝娘竒窈窕，爲我喚來歌求調。客愁草草不易除，妾事茫茫本難料。玉壺一雙秋露傾，唯此可以忘吾情。醉歸共舫草中石，笑劈弓絃霹靂鳴。

題朱澤民荆南舊業齋

睢陽醉磨一斗墨，夢落荆南寫秋色。大陰垂雨尚淋

漓哀壑，回風更蕭瑟。楓林思入煙霧清，湖水愁翻浪。波白溪上初逢野老航，山中遠見先生宅。林田半頃連芋區，茅屋三間倚薜蘿。僧來看竹乘小輿，客去尋茶借高屐。任公臺下石可坐，周侯廟前路曾識。虎迹時留暮苔紫，蛟氣或化秋雲黑。城郭當年別已久，風塵此日歸不得。落日書齋半壁明，箇畫卧對空相憶。

贈步鍊師禱雨

白頭道士騎一鶴，手把青蓮下窳廓。人間又見海田枯，十丈黃塵沒城郭。昔年服事茅長君，能役鬼神呼風雲。下爲群生掃旱沴，兩工驅起如羊群。陰雷填填

天欲怒靈飈吹旗紫壇暮書入重關虎豹開辟況古  
井蛟龍護瀕更甘澍何滂沱十日不雨應無禾祠官  
空爲大雩舞覲女羞作迎神歌明朝師歸定何許雲  
裏懸珠火如黍更煩夜起把天瓢翻作東南洗兵雨

月友王頭飲器歌

磧中萬騎驕嘶雲頭掛金鞍敵初滅歸來漆作太白  
杯胡酒寒疑色如血故國無堊歸夢迷朽骨飲恨空  
如泥琵琶聲中鬼語襍酥燈照夜風淒淒崑崙倒瀉  
黃河入袍汚淋漓疑泪濕部落誰醉國士恩尊前一  
夜無聲泣烏縣降王猶疾首起奉單于千萬壽


海石爲張紀室賦

大星墮水聲若吼祖龍夜叱神羊走誰將五色補天  
餘屹障狂瀾歲時久空憐山頭精衛鳥身墮風波嚼  
不了媧皇去後幾桑田鰲背靈峰一拳小

張中丞廟

廷秋門上烏啼霜鴉奴曉登天子床江頭老臣淚暗  
滴萬乘西去關山長公卿相率作降虜草間拜泣如  
群羊當時不識顏平原豈復知有張睢陽孤城落日  
百戰後瘦馬食尾人裹瘡男兒竟爲忠義死碧血滿  
地嗟誰藏賀蘭不斬上方劍英雄有恨何時忘千年

海上見祠廟古苔叢木秋風荒摩挲盡壁塵網裏勇氣燁燁虬鬚張巫歌大招客酌酒忠魂或能來故鄉



高太史大全集卷之十一

吳郡高啓季迪著  
南州徐庸用理編

長短句體

青丘子歌

江上有青丘子徙家其南因自號青丘子  
閒居無事終日苦吟間作青丘子歌言其  
意以解詩之嘲

青丘子臞而清本是五雲閣下之仙鄉何年降謫在  
世間向人之道姓與名躡屩遠遊荷鋤懶躬耕有

劍任羞澁有書任縱橫不肯折腰爲五斗米不肯掉  
舌下七十城但好覓詩句自吟自酬賡田間曳杖復  
帶索傷人不識笑且輕謂是魯迂儒楚狂生青丘子  
聞之不分意吟聲出吻不絕咿咿鳴朝吟忘其飢暮  
吟散不平當其苦吟時兀兀如被醒頭髮不暇櫛家  
事不及營兒啼不知怜客至不果迎不憂回也空不  
慕猗氏盈不慙被寬褐不羨垂華纓不問龍虎苦戰  
鬪不管烏兔忙奔傾向水際獨坐林中獨行斲元氣  
搜元精造化萬物難隱情冥茫八極遊心兵坐令無  
象作有聲微如破懸蟲壯若屠長鯨清同及沆瀣險

比排崢嶸靄靄晴雲披軋軋凍草萌高攀天根探月  
窟犀照牛渚萬怪呈妙意俄同鬼神會佳景每與江  
山爭星虹助光氣煙露滋華英聽音諧韶樂咀味得  
大羹杳間無物爲我娛自出金石相轟鏗江邊茅屋  
風雨晴閉門睡足詩初成叩壺自高歌不顧俗耳驚  
欲呼君山老父携諸仙所弄之長笛和我此歌吹月  
明但愁歛忽波浪起鳥獸駭叫山摧崩天帝聞之怒  
下遣白鶴迎不容在在作狡獪復結飛珮還瑤京

登陽山絕頂

我登此山顛不知此山高但覺群山總在下坐撫其

頂同兒曹又見太湖動我前洶湧三十萬頃煙波濤  
長風吹入度層嶂不用仙翁赤城杖峰迴秋礙海鶻  
飛日出夜聽天鷄唱中有一泉長不枯乃是蜿蜒神  
物之所都老藤陰森洞府黑樹上不敢留棲鳥常年  
禱雨車來此投金符靈旗風轉白日晦馬鬣一滴露  
三吳岩壑蒼蒼境多異樵子尋常不曾至探幽歷險  
未得歸忽聽鍾來澗西寺此時望青冥脫略塵世情  
白雲冉冉足下起如欲載我昇天行古來名賢恣何  
有只有此山長不朽欲呼明月海上来照把長生一  
瓢酒浮丘醉枕肱洪崖笑口開秋風吹落浩歌聲地

上行人盡回首

張節婦詞

靈壽張明府嫡母早寡守志

誰言妾有夫中路棄妾身先殂誰言妾無子側室生  
兒與夫似兒讀書妾辟纊空房夜夜聞啼鳥兒能成  
名妾不嫁良人瞑目黃泉下

與客飲西園花下

一壺酒正滿一樹花仍新傾壺對花樹日暮西園春  
不愛枝上花愛此花下人相逢莫學花無賴明日分  
飛隨路塵

吳中逢王才隨朝京使赴燕南歸

江南草長蝴蝶飛白馬新自燕山歸  
燕山歸不堪說易水寒風薊門雪  
朝却空隨使者車禁闔不受書生  
謁一杯勸君歌莫哀歸時應過黃  
金臺不見荒基秋未土花紫伯  
島已歇昭王死千載無人延國士

白雲泉

白雲不爲雨散在清泉  
流泉氣復成雲山中同一秋  
岩前石竇幽寒處雲自長  
浮泉自注潛龍未起出深  
泓渴鳥時來下高樹雲應無  
心飛上天泉亦不肯隨  
奔川老僧愛此不復下山去  
卧雲飲泉終歲年

戎王追羸畜

前騎脫兔奔後騎驚鴻急  
火燒秋草獵場空一羸窮  
追勢難及大小當戶左右  
賢單于勇銳關支妍雕戈  
白羽謬爭發衆中得雋知  
誰先君不見天榮將貞天  
子馳一馬殪四豕

茅山陳道士卧雲所

不逐雲渡海寧隨雲出山  
但邀雲共宿日夕三峰間  
網緼枕席潤晡霧房櫺間  
聽松閣前風滿耳吹盡白  
雲應睡起

贈醉樵

川釣已遭獵野耕終改畝不如山中樵醉卧誰得呼  
采山不采松松花可爲酒酒熟誰共斟木客爲我友  
木客已去空石牀舉杯向月邀吳剛借汝快斧斫大  
桂要令四海增清光林風吹髮寒擁耳獨枕空尊碧  
岩裏此時忘却負薪歸猛虎一聲驚不起去間萬事  
如浮煙看暮何必逢神仙青松化石鶴未返酒醒又  
是三十年

雷雨護嬰畝爲包山徐庭蘭賦

兒衣寒毋衣濕風雨蒼黃歸意急雷忽鳴兒勿驚抱  
兒與兒同死生樹聲吹迴水聲注田家尚遙無避處

看畝誰念亂離人白日青天棄兒去

南園

君不見平樂館古城何處寒雲滿君不見奉誠園荒  
臺無蹤秋草繁白日沉山水歸海寒暑頻催陵谷改  
皇天大運有推移富貴於人豈長在請看當年廣陵  
王雙旌六纛何輝光幸逢中國文多故一家割據誇  
雄強園中歡游恐遲暮美人能歌客能賦車馬春風  
日日來楊花吹滿城南路疊石爲山引泉爲池辟疆  
舊園何足奇經營三十年欲令子孫永保之不知回  
首今幾時繁華掃地無復遺門掩愁鴟嘯風雨種菜

老翁來作主空餘怪石卧池邊欲問興亡不能語春  
已去人不來一樹兩樹掩花開射堂踰圃俱青苔何  
須雍門琴但令對此便可哀人生不飲胡爲哉人生  
不飲胡爲哉

醉贈宋卿

勸君歸來休莫作滄蕩遊黃雲已蔽燕國晚白露正  
滿梁園秋千石酒萬戶侯請君論此誰當優吳門日  
出花滿樓小婦喚客不解羞君留綠綺琴我脫紫綺  
裘今朝春好能飲否東風吹散江南愁

滿隱君月樓歌

樓高高月皓皓容月多得月早朝看西墮江夕見東  
生島我歌鳥飛向穹昊樓中之人須醉倒人長閑月  
長好月中藥成人不老

滄浪亭

滄浪平無風波之驚滄浪廣有風月之賞吳興長史  
舊遷謫買得此水自號滄浪客乘釣在北渚榜船臨  
西洲白鷗不來往遣興誰同遊發清歌弄清景醉入  
荷花夢魂吟天念儒臣去國寃故與無塵水雲境斯  
人去已遠我來空復情滄浪水雖在不似昔年清躡  
躡獨過亭前路疎葦寒煙沙鳥鳴

約諸君看范園杏花不果後偶獨遊而杏已  
盡落惟桃數樹盛開感而有賦因寄諸君  
久欲與君往那期成獨來參差二月暮過却杏花開  
杏花雖好今無在只有桃花悞相待杏白桃紅何淺  
深春還不負看花心看花心君更劇莫為不來空歎  
息在間萬事盡如花着意相尋應不得

石射棚

石射棚張石城石鼓響或發石騎勢欲行彷彿古戰  
場上有愁雲生餓鳴嘯寒風若箭鏑鳴何人作此  
留山中鳥獸欲過膽盡驚疑是神禹治水時來教鬼

射降妖精至今風雨夕猶聽人馬聲嘗聞父老言鼓  
鳴則有兵方今瘡痍民脫命見太平我願碎其鼓陳  
其棚

人安四海清自此萬年無戰爭

番人移帳圖

懸爾弧韜我弓校帳何徙榆林東顧語勿驅日暮中  
野兎未十歲不能騎馬

夜聞謝太史誦李杜詩

前歌蜀道難後歌偏仄行商聲激烈出破屋林鳥夜  
起隣人驚我愁寂寞正欲眠聽此起坐心茫然高詩

隔舍與相和雙淚遙落青燈前李供奉杜拾遺當時  
流落俱堪悲嚴公欲殺力士怒白首江海長憂飢二  
子高才且如此君今爲我將何爲

走狗塘

春堤長春草淺此地吳王曾走犬獵場四面圍畫旗  
紅炬照輦還宮遲割鮮夕宴誰共食臺上西子非樊  
姬春苑年來草仍綠韓盧已去多麋鹿君不見漢皇  
縱狗殊有功逐兔直到烏江東

贈金華隱者

我聞名山洞府三十六一一靈踪紀真錄金華秀出

向東南遠勝陽明與勾曲樓臺縹緲開煙霞天帝賜  
與神仙家靈源有路不可入但見幾片流出雲中花  
子房之師赤松子三千年前亦居此飛行恍惚誰解  
尋謾說至今猶不死松花酒熟何處遊理草自綠春  
岩幽群羊卧地散如石老鹿耕田馴似牛聞有隱君  
子乃是學仙者自從入山中不會到山下世人莫知  
其姓名以山呼之不敢輕樵夫忽見苦未識只疑便  
是黃初平嗟我胡爲在塵網遠望高峰若天壤茯苓  
夜煮倘許殮鍊杖來敲石門響

春初來

春初來柳條欲舒花未開曉日窓前鳥鵲喜似報春  
來喚人起東風吹暖入煙痕綠遍江南幾千里去年  
春去憶愁人倏忽今年又見春但欲逢春醉盃酒不  
管相思成白首

題大黃癡天池石碎圖

黃大癡滑稽玩世人不知疑似阿母傍再謫偷桃兒  
平生好飲復好畫醉後洒墨秋淋漓嘗爲弟子李少  
翁貌得華山絕頂之天池乃知別有縮地術坐移勝  
景來書惟身騎黃鵠去來速縞素飄落流塵緇穎川  
公子欣得之手持示我請賦詩我聞此中可度難玉

枕秘記傳自青牛師池生碧蓮花千葉光陸離服食  
可騰化遊空駕雲螭奈何靈跡久闕藏荒竹滿野啼  
猩狸尋真羽客不肯一相顧却借釋子營茅茨我昔  
來遊早春時雪殘衆壑銷寒姿磴滑不敢騎馬上青  
鞋自策桃筇枝上有煙蘿披拂之翠壁下有沙石蕩  
漾之清漪晴天倒影落明鏡正似玉女曉沐高鬟垂  
飲猿忽下藤裊裊浴鶴乍立風淅淅匡廬有地我未  
到未省與此誰當奇掃石坐其涯沁洄引流厄醉來  
自照影俯咲知爲誰落梅撲香滿接籬暮出東澗鍾  
鳴遲歸來城郭中復受塵土欺十年勝賞難再得恍

若清夢一斷無由追朝來觀此畜惻愴使我悲當時  
同遊已少在我今未老形先疲人生擾擾嗟何爲不  
達但爲高人嗤漢南已老司馬樹峴首已仆羊公碑  
惟應學道悟真訣不與陵谷同遷移仙岩洞府孰最  
好東有地腑西峨眉高崖鑊鎖不可攀援以逕上仰  
望白雲樓觀空峩巍此山易上何乃遺便與猿鶴秋  
相期欲借太乙舟夜卧浩蕩隨風吹洞簫呼起千古  
月照我白髮涼絲絲傾玉醪薦瑶芝招君來遊慎勿  
辭無爲漫對圖畫日夕遙相思

書夢中

夢行塞下沙無水無蕪葭牧羊人歸霜草短平地鴈  
羣棲不暖騎馬茫茫入遠煙一行衝起上秋天我夢  
驚回鴈飛去角鵝吹斷江城曙

登金陵雨花臺望大江

大江來從萬山中山勢盡與江流東鍾山如龍獨西  
上欲破巨浪乘長風江山相雄不相讓形勝爭誇天  
下壯秦皇空此瘞黃金佳氣葱葱至今王我懷鬱塞  
何由開酒酣走上城南臺坐覺蒼茫萬古意遠自荒  
烟落日之中來石頭城下濤聲怒武騎千群誰敢渡  
黃旗入洛竟何祥鑊鎖橫江未爲固前三國後六朝

草生宮闕何蕭蕭英雄來時務割據幾度戰血流寒  
潮我生幸逢

聖人起南國禍亂初平事休息從今四海永爲家不  
用長江限南北

媯雉子歌爲友王常宗作蓋其號也

媯雉子乃是軒轅之裔虞繆之孫混沌既死一萬季  
獨抱大璞存竊伏在草野冥心究皇墳蚤逢三光五  
岳之氣乍分裂天狼下地舐血流渾渾鹿走秦中原  
蛇鬪鄭國門俎豆棄草莽干戈歛崩奔媯雉子便欲  
東遊渡弱水沐髮滄海朝陽盆又欲西行沂河漢踰

崑崙山橫川阻兩地俱不可以往兮歸來掩戶卧旦  
昏蒔黍一區注醪一樽妻給井臼兒收雞豚不詩曲  
以媚俗不偃蹇而凌尊作爲古文詞言高氣醇温手  
提數寸管欲發義理根上探孔孟心下弔屈賈魂其  
質耀金石其芳吐蘭蓀叩虛答有響斷險成無痕陸  
珍雜水怪變狀弗可論幾年兀兀不肯出坐待真主  
應運九五開乾坤鶴書自天來幽隱初見拔使者遠  
造廬鷄鳴起膏轄興纂金匱編尚書爲給劄奸蒐泣  
幽塚下恐遭誅殺書成一代進紫宸鸞旗羽衛夾陛  
陳閣門導謁稱小臣麻衣不脫拜聖人捧函近前

殿龍顏喜回春勅賚內帑之金輿綺段其文織作銀  
麒麟蒙恩乞還家以奉白髮親戴古弁垂長紳自  
號山澤之臞民鳩雖子幸際明良時無為寂默坐老  
東海湄青丘有客鈍且痴與汝欲結同襟期左鼓清  
瑟右吹鳴簫作歌共祝

天子壽五風十雨萬國赤子同熙熙

贈劉生歌生善鍛為李鍊師製三隅鏡劉藥

君不見歐冶子金鑄魚腸照吳市君不見徐大夫藥  
滓七首驚函秦奇鋒當年非不利氣奪秋雲愁白帝  
伯圖恃此竟無成良治徒為殺人器何如劉生獨煉

昆吾鋼大爐夜鍊騰虹光神鍼妙刃兩如水提出二  
豎皆奔藏利器之功有如此特為醫仙起人死囊中  
長得伴刀圭海上何須剗犀兕我看十年太白西方  
明銅山尋鑿兵縱橫幸逢聖人生干戈戢四海清  
願生但制此器勿制兵民無疫癘樂太平

春日客園無花偶感

荒園多青草而無一樹花東風吹春來只向何人家  
南池舊日花滿煙美人夜彈蜀國絃亂枝迷眼歸不  
得醉帶月露花陰眠無花雖足歎無酒更可悲如今  
但得一壺滿何用紛紛紅紫為

白下送錢判官岳

白門有垂楊復有春酒香此地逢君誰乃是錢少陽  
相逢既沽白門酒相送還攀白門柳不向公車更上  
書却趨官署初垂綬日落淮水頭送君去悠悠梁王  
苑裏花飛盡明日相思過汴州

贈錢文則琴呈良夫

古樂久不聞古器亦殘缺唯有朱絃琴韻與爭琶迥  
殊別此夜聽君彈四座寂不喧古人有遺恨似向絃  
中言初調乍冲獻再弄忽悽惋秋猿春鳥相間啼夢  
繞瀟湘碧雲遠怒濤勢出峽聞石轟奔雷漫流入滄

海悠然去無回銅瓶一墮井汲引不可上離車軋軋  
曉出關欲行未行苦惆悵夜深庭樹風雨驚恍疑鬼  
神入蒲城湏臾響靜月照席玉壺凍破冰崢嶸我心  
正如水萬籟不到耳無端聽此聲雙泪迸落百感生  
起請且莫彈胡茄文姬思家意咨嗟請莫彈履霜孝  
子在野愁彷徨願君拂拭登高堂先彈南風後文王  
美哉大雅聲洋洋使我坐聽憂俱忘

雪齋爲述上人賦

君不見韓刺史疲馬度關愁欲死君不見党將軍美  
人擁帳飲正醺憔悴豪華兩何有世人徒勞競奔走

雪深三尺坐寒龕誰似西齋衲衣叟開門一笑定起  
遲虛空大地皆春熙松梢一片忽墮響夜靜山空人  
不知此地應冷無熱惱尋梅莫若尋詩好便穿蠟屐  
踏瓊瑤曉徑從埋不須掃

燕覆巢

雙燕生五雛怡怡向高屋雛飢母出風雨來新作深  
巢竟傾覆主人念雛不解飛移之別壘待母歸雛雖  
得壘燕勿喜相逢主人亦偶爾明年作巢當更好須  
信安居最難保

五禽言和張水部

濕滑滑啼空山行人愁道路難高天浮雲自多雨人  
不知還空愁汝  
提胡蘆趣沽酒杏花村中媪家有君如不飲過却春  
此鳥枝頭應笑人  
郭公郭公天寒水空朝飛暮棲蕪葦中蕪葦中啼不  
息千載魂應怨亡國  
婆餅焦婆去餉孫田壟遙隴頭小麥穗已搖但願好  
收食自饒爾莫憂婆餅焦  
脫却破袴脫却破袴溪深無船漬涉渡亦思脫舊復  
換新春機已空愁殺人

清冷閣

臨清池敞華閣明月入綺疏微風沾羅幙白波連遠  
洲竹冷夫容愁客聽秋聲起魚驚星影流冰絃彈罷  
鷓鴣曲天河墮水涼宵促試問西園閣上遊何如南  
浦舟中宿

約王孝廉看梅

君莫憶東閣吟我莫憶西湖見兩地年來信不通塵  
埃正滿春風面不知山中三日雪掩高脩竹斜倚愁  
娉婷讀書屋空滿梁月焚斷冷落留餘馨相尋定有  
迎船鶴煙霧籠寒縞衣薄一尊好共煖花魂明日關

山笛中落

題滕用衡所藏山水畫

滕君興在煙霞間遠遊十年今始還畫圖示我有層  
障竟似何處之名山君言我初適東越酒船橫渡鏡  
湖月醉咏謫仙天姥吟海光欲曙清猿歇瑤草春已  
生便入金華行道逢牧羊兒疑是黃初平從此西遊  
楚江水大帆如雲掛空裏柁樓酒喚長風一日看  
山一千里不聞東林鍾但見香爐峰波迷洞庭闊樹  
隔瀟湘重白沙翠壁經過好就中幾度曾幽討麻姑  
壇上掃落花堯女祠前薦芳藻晚客湖南逢鴈回登

臨長上定王臺天從朱鳥峰頭轉江自黃牛峽外來  
蒐奇歷險今應倦默坐舊遊空數遍時向明窓看此  
苗好山一一皆重見我聞君言自嘆嗟身如處女愁  
離家閉門讀書無半車髀肉漸生空髻華牀前塵土  
蔽雙履何不踏之踐苔石幸逢盛岳道路平五岳尋  
真皆可適便當往抱綠綺彈松風行盡萬壑千岩中  
仙書探得金匱空歸來誇君重相逢握手一笑吳門  
東

烏夜村

荒村烏夜棲忽繞月明啼生得東家女身為萬乘妻

至今種高樹不遣烏飛去居人凡幾家愛聽啼啞啞  
啼啞啞勿驚怪婦開門向烏拜

余未有嗣海雪道人以張仙畫像見贈蓋蘇  
老泉嘗禱而得二子者予感其意因賦詩以  
謝

我年已及壯吉夢未飛熊雖有三女兒豈足慰乃公  
每聞隣家子夜雨誦經史起坐秋燈前顧影長嗟不  
能止道人念我書無傳畫圖卷贈成都仙云昔蘇夫  
子建之玉局禱甚虔乃生五色兩鳳鷄和鳴上下遂  
與夫子相聯翩勸我勤禮之當有明珠出深淵我感

道人意捧觴拜其前君不見東家翁力耕積多田平生辛苦立門戶兩兒棄擲如浮煙惡兒亦何須願得一子賢上以承吾宗下以與我玄仙乎有驗者明年請君更賦懸弧篇

高太史大全集卷之十二

吳郡高啓季迪著

南州徐庸用理編

五言律詩

草堂夜集

山家具鷄黍夜與故人期暫喜逢歡會都忘在亂離  
火寒移生密燭盡得詩遲莫聽高城角明朝別又悲  
過胡博士郊居胡善筮

頭白蘭陵客幽居共一村老來吟力退貧去告身存  
夕吹鳴梨葉秋泉注稻根時因來問筮獨叩樹間門

送茅氏

欲知難別意孤棹去還停候吏分途迥離人雜醉醒  
城臨秋水渡樹帶夕陽亭後夜看吟燭憐君宿郡廳

孤鴈

衡陽初失伴歸路遠飛單度隴將書怯排空作陣難  
呼群雲外急弔影月中殘不共鳧鷖宿蕪葭夜夜寒  
曉步園池

髮隨秋葉落心共曉雲舒稍改新題句渾忘舊讀書  
林爭移樹鳥池響食萍魚無限悠然意涼天獨步餘  
次韻過建平縣

縣雖三戶小地僻罷兵防茶市逢山客楓祠祭石郎  
雲埋鳴澗斧沙膠度溪航應愛青山好經過駐旅裝

鵲軒

金華朱少府生時有鵲集於庭後樹每歲  
生日輒一來其母將死鵲悲鳴久之而去  
因以名軒識其思母之意云

神鵲曉鳴枝飛來自期門前懸矢日堂上捧樽時  
詎信填河事寧歌繞樹詩只怜君望斷風木助餘悲

寄杜二進士

花開寄別離花落正相思交誼多年見鄉愁近日知

我方淹上國君豈老明時試問江干閣同登復共誰

雨蓬

楚雨滿汀洲瀟瀟洒洒客舟發驚孤枕夜愁掩一蓬秋  
葦葉寒相戰灘聲暗共流此時湘浦上同聽只沙鷗

聽秋軒

西澗秋聲起涼風助振號數禽翻樹裏萬葉下亭臯  
初訝未山雨還疑捲浪濤老僧方入定終夜任蕭騷

杏花飛燕齋

雙飛如鬪捷終日幾西東尾拂花梢露身翻柳絮風  
入簾時趁蝶歸壘每啣虫何處長相見佳人院落中

扇

皎皎復團團何人剪素純驅螢臨几席撲蝶近闌干  
似月驚朝見生風變夏寒時移當日棄莫恣網垂鸞

新荷

如蓋復如鈿初生雨後天葉低浮水上莖弱裊風前  
乍覆遊魚戲難藏宿鷺眠佳人休便折留蔭採蓮船

鷺

雪羽獨脩脩閑情戀遠洲聲沉煙浦晚影度月灘秋  
避棹驚時起窺魚立未休蒹葭同夜宿應只許沙鷗

馬

名駒產渥洼牽出萬人誇逸足輕千里高髻散五花  
城南遊禁陌塞上路黃沙不受蠻奴策驕嘶向日斜

梧桐

井邊雙玉樹高結自生涼影散秋雲薄聲喧夜雨長  
疎英飄碧簾亂葉響銀林綠綺誰能斷持將奏鳳凰

圍碁

偶與消閑客圍棋向竹林聲敲驚鶴夢局罷轉桐陰  
對坐忘言久相攻運意深此間元有樂何用橘中尋

池上晚酌

夕陽初雨過團扇送涼過竹裏方歸鳥沙邊尚浴鵝

脫中懸峭壁流竿逐回波六逸當年樂何如此處多

簾

蠻藤巧織成乍展覺涼生紋蹙寒波細光搖夜月明  
坐令葵扇棄眠稱石床平須信南軒下炎天夢亦清

射柳

風煖畫旗張將軍集射場馬嬌嫌響急人勇喜弓強  
但見青條折那知白羽翔三軍歡笑處巧中勝穿楊

流螢

熠燿復青燐流光不自停暗飛如避月遠墮欲隨星  
穿樹臨幽檻綠莎集小庭莫將羅扇撲囊取照遺經

水殿圖

波影繞闌干清虛似廣寒荷香臨檻挹月色捲簾看  
夜靜聞清吹涼多却素紈宴酣思薦鱸銀綫簇金盤

新蟬

翾翾乍離脫咽咽試初鳴滿葉棲身穩移柯忽意驚  
亂催窓日墮微喚浦風生何侍當秋聽今朝已感情

林間避暑

自愛蠻藤滑開舒卧石苔松風催暑去竹月送涼來  
石氣生琴薦泉香入茗杯却憐行路子愁喝向黃埃

送劉省郎出佐邊郡

符券前軍重衣冠上客才地圖連異壤星次出中台  
暮雨車投峽秋風扇却埃省中梧樹在鳴鳳會重來

溢浦琵琶圖

秋夜相逢處閨愁襟宦情四絃風共拂兩棹月同明  
司馬青衫濕佳人白髮生至今溢浦上楓葉尚哀聲

金人馬圖

名王愛遊獵初試射鵬牙白草秋原曠黃沙晚塞空  
琵琶應漢女腰裏是胡驄歸醉葡萄綠穹廬在月中

夜訪

蟾

釋子因宿西澗聽琴

清夜獨幽尋岩扉落葉深許携陶令酒來聽穎師琴

入醉月沉閣烏啼風滿林應留西澗水千載寫餘音  
錢塘送馬使君之吳中

樟亭離席散逢發畫幡車飛雉新阡麥啼鶯故苑花  
望山登郡閣行冰到田家莫道凝香句前人獨可誇  
與劉將軍杜文學晚登西城

木落悲南國城高見北辰飄零猶有客經濟豈無人  
鳥過風生翼龍歸雨在鱗相期俱努力天地正烽塵  
和周山人見寄寒夜客懷之作

亂世難爲客流年易作翁百憂尋歲暮孤夢怯山空  
門掩雲峰裏燈明雪竹中無因乘夜訪相慰一尊同

哭臨川公

身用已時危衰殘况病欺竟成黃犬歎莫遂白鷗期  
東閣畫書散西園草露垂無因奠江上應負十年知  
一窓秋影

脩竹與踈桐秋陰接桂叢並生金井側同映綺疏中  
隱匿纔籠霧交橫忽颭風不須懷故館月落併成空  
皇太子遊東苑池上呈青坊諸公

銅輦出紆徐春官晝講餘戟煩即將衛簡授大夫書  
草長園鳴鹿冰開沼躍魚從遊伴商皓黍竊愧何如

題溪山小隱

何處溪山隱，衙門對野橋。晚風携鶴子，春雨種魚苗。  
小徑斜通竹，疎籬曲護蕉。人生閑自足，不問楚詞招。

城西客舍送周著作砮

客中寒食後，惆悵送君違。花隱歸城旆，風吹渡水衣。  
夜窓炊黍散，春苑鬪茶稀。誰念西齋雨，相思獨掩扉。

兵後出郭

俯仰興亡異，青山落照中。民歸隣樹在，兵去壘煙空。  
城角猶悲奏，江帆始遠通。昔年荆棘露，又滿闔閭宮。

謝賜衣

臚呼遙捧賜，拜服望蓬萊。香帶爐煙下，光迎扇月開。

奇紋天女織，新樣內工裁。被澤徒深厚，慙無奪錦才。

西清對雨

楚臺雲起遶，漢苑雨來微。曉濕宮城旆，寒沾陸楫衣。  
瀟中隨葉墮，爐畔帶煙飛。坐詠西清暇，君王召對稀。

夜宿太廟齋宮

烏散廟堦空，清香肅闕宮。太常齋禁密，

列祖亨儀崇。井叩銅瓶月，墀鳴玉珮風。聽鍾候

車駕庭燎已，燿燿

送秦主客遷侍儀使

蕃客來曾識衣冠上國風承

恩越北闕罷直出南宮導

駕爐烟裏催班漏點中時清多奏頌還向閣門通

春日退直呈禁署諸公

待詔直東華歸休每日斜職連詞客苑俸入酒胡家  
簷網長縈絮庭磚欲過花知君未出院應章侍中麻

送張司勳赴寶慶同知

乍出司勳幙還乘別駕車按圖猶漢地輸布盡蠻家  
山熱蛇懸樹江晴鶴浴沙郡樓回首處北斗近京華

寓天界寺

雨過帝城頭香凝佛界幽果園春乳雀花殿午鳴鳩  
萬屐隨鍾集千燈入鏡流禪屋容旅跡不覺久淹留

送前進士夏尚之歸宜春

淒涼庾開府老去復如何故國歸鴻少

新朝振鷺多菊荒應自歎凌秀竟誰歌相送堪愁思  
蕭蕭楚水波

早出鍾山門未開立候久之

關吏收魚鑰趨朝阻向晨忘鳴鷄睡熟倦立馬嘶頻  
柝靜霜飛堞鍾來月墮津可憐同候者多是未開人  
雪夜宿翰林院呈危宋二院長

偶伴王摩詰寒宵宿禁林院鈴風外靜宮漏雪中沉  
絳蠟銷吟燭青綾擁賜余明朝陪賀瑞銀關曉光深

自天界寺移寓鍾山里

移寓鍾山里開軒見翠微寺僧遠午遠隣父識猶稀  
愛讀明開牖防偷固設扉誰言新舍好畢竟未如歸  
夜逢故郡賀冬至使胡普二博士同宿

會宿本無期忻逢兩舊知問年驚別久候曉畏朝遲  
寒澁高城漏陽迎上苑枝明朝使事畢歸騎又天涯

至夕夜坐客館

久客漸忘家今宵忽感嗟旅踪猶泊梗陽氣又吹葭

巷屋門封雪鄉關路逸沙閨中想逢節也解憶京華

送鮑翰林遷官陝右

鑿坡初罷直西去惜離群載筆唐供奉褰帷漢史君  
濁流河驛兩高樹岳祠雲公暇應懷古登臨賦夕曛  
送曾主簿之平樂

路出桂江東鄉音想未通蛇飛山苦霧鵬運海多風  
木魅長欺客花蠻少學農縣廳何處在柳葉晚陰中

桓簡公廟

荒林慘淡中石馬欲嘶風功在山留碣威存廟挂弓  
飢鴉迎祭客走鼠駭巫童千載宣城道人憐內史忠

送前國王助教歸臨川

去國獨依依，羈臣淚濕衣。  
夢中燕月冷，望裏楚山微。  
五變人驚老，身全詔許歸。  
舟前楓葉落，應到故園扉。

送潘巡檢之閩中

京師到閩海，秋色幾程餘。  
莎柵山兵守，榕林島戶居。  
曉衙鷄應鼓，晚邏騎隨車。  
清丑元無盜，將軍好讀書。

送思上人

名林雖盡廢，南去只隨緣。  
野飯晨留鉢，城鍾夜到船。  
虎馴應畏法，鳥喚不驚禪。  
它日期相見，高峰舊塔前。

宴王將軍第

流水通侯第，行雲傍妓臺。  
雨催牙仗散，風引羽觴來。  
曲學移聲按，詩隨得韻裁。  
莫令遊宴歇，次第過花開。

送朱從事之吳興

釋褐方從宦，青山故郡隣。  
草深湖帶雨，花暗驛藏春。  
鼓聚祈蚕女，舟逢射鴨人。  
幙中應待久，徒此惜離辰。

和交人過采石

山暝斷磯頭，猿聲兩岸愁。  
柳間娼女酒，月下估人舟。  
擒虎嗟橫渡，騎鯨憶醉遊。  
停橈正懷古，風急葦花秋。

詭柳

何恨苦長顰，纖姿嫵媚春。  
慣愁行路客，羞比舞筵人。

亂葉斜斜雨狂花衮衮塵殘蟬來噪日應落漢潭濱

無題

顧影出中堂長眉學內粧本爲戚里婦不是狹斜娼  
扇撲園中蝶箏彈陌上黍相逢不敢笑只恐斷君腸

京師寓解三首

誰言舊隱非靜里且相依綠樹城通苑青山寺對扉  
官閒休直早客久夢還稀是物春來典唯存舊賜衣

又

幾夜頻聽雨經春不見花藤蕪青渚燕揚柳白門鴉  
拙宦危機遠工吟癖性加間坊車馬少不似住京華

又

寂寞過芳時幽懷只自知拙無投相刺篋有寄僧詩  
鼠跡塵凝帳蛙聲雨到池踈慵堪置散不敢怨名卑

送舒徵士考禮畢歸四明

寄語關門吏休輕尚布衣林孫聊應召周黨竟辭歸  
赤日京城遠蒼煙海樹微送君還自歎老却故山薇

陪客登陶丘

相逢俱失意此地偶同遊獨樹邀人去斜陽爲客留  
依村煙景夕近水竹聲秋謾有歸歎歎何山是故丘

王公子宅五月菊

秋英忽夏發宛在阿戎家細認驚初見高吟喜共誇  
不依寒竹兩欲映午榴霞我肯甘遲暮尊前有此花  
送周復秀才賦行李中一物得紈扇

不盡乘鸞女應怜素質新霜機驚落早風塵讓揮頻  
席上曾歌怨窓間或掩頰何如爲君子遠路障埃塵

送流人

漢條應偶觸蠻俗未能諳海近風多颶山昏瘴似嵐  
行衝哀甸虎食畏盡家蚕鄉國何年返縣知老日南

贈張省郎

漢署早爲郎長遊鳳沼傍鷄知壺水候馬識火城光

每載趨曹筆時熏直省香邊書無一羽冠蓋得翱翔

送瀚公住靈岩

離宮遊路絕名寺道場開我昔題詩去師今說法來  
茱萸垂澗戶菡萏發池臺興壞俱空幻登臨不用哀

送宿衛將出守鄧州

中郎身領仗宿衛在承明舊射雙鷗落新乘五馬行  
紅雲遙魏闕白水近穰城好勸諸年少春來賣劔耕

甘露寺

勝地江山壯名林歲月遙剎藏京口樹鍾送海門潮  
月黑龍光發天清蜃氣銷何當尋狼石間坐話前朝

送張羽後夜坐西齋

閒齋聽鍾坐憂緒悵多端鳴鴈雨中急離人江上寒  
秋燈下木葉夜艇隔風湍別後情蕭索方知舊會歡

徐山人別墅

茶香孤墅發竹色四隣分掃地侵蟲字開窓散鳥群  
樹涼池過雨苔潤石生雲我出無車馬偏宜訪隱君  
客館秋懷

獨卧愁空館墻陰野豆開暑將潮氣歛秋與竹聲來  
身賤多違志時清少棄材慙非張仲蔚門戶有蒿萊  
秋夜宿周記室草堂送王才

相別還相戀秋宵暫對林人情貧後見客况醉中忘  
池柳疎含吹江雲薄護霜離舟待明發愁思劇茫茫

江上雨

冥冥衆樹昏浩浩一江渾急有迴風韵輕無入霧痕  
鳥啼葦竹嶺人卧落花村門巷春泥滑誰來共酒尊  
送賈二進士歸省

年少擅詞華曾看手義棖裝蹄路雨春酒別筵花  
馬帶雲過嶺人同燕到家罷官趨覲好不是謫長沙

贈演師

石橋尋禮罷歸住白雲層法悟經慵讀年衰塔倦登

青苔生砌錫黃葉翳龕燈我欲相依老前身恐是僧  
送錢氏兩甥度嶺

吏送投荒去應歸下瀨營一家十口散萬里兩身行  
洞獠欺商市山魈喚客名江邊南望泣不盡渭陽情  
送客歸閩省觀

秋城聞暮砧歸思忽盈襟客久依人遍親衰念子深  
青山分嶺踞紅荔到鄉林蘇水還堪樂何須季子金  
圓明佛舍訪呂山人

憐君不出院結夏與僧同陰竹行廊遠香花掩殿空  
飯分齋鉢裏書寄藏函中茶宴歸來晚西林一磬風

答宋人廉夜飲王氏池亭見懷

遙聞池上酌涼夜失炎兵酒碧傾當竹衣香坐近蓮  
泂波人弄月翻樹鳥鳴烟座上誰相憶唯應是惠連  
賦得蟬送別

踈槐細柳中涼占一枝風蛻出形猶弱驚飛響未終  
雨來林館靜日下驛門空離管尊前發悽涼調正同  
何隱君小墅

移家營別墅一迳竹扉開泉滿疏渠放花多借地栽  
壁間田器挂窓裏浦帆來自戀幽居樂誰言是棄材

贈張明府

聞道彈琴處門前柳帶沙海環通估市湖稅減漁家  
暮港迷荷葉秋田間豆花亂來無此地君政亦堪誇

送唐博士肅移家醉李

楊柳發初齊春陰廢苑西故人乘醉別新鳥傍愁啼  
舟重全家去詩多一路題杏花開北郭誰復共招携

贈妓

樂籍小名收戾家舊主謳笑能撩客喜醉肯逐人留  
蝶識薰香氣鶯慙度曲喉更怜諧酒令少日住揚州

送顧倅之錢塘

之官即勝遊送別漫多愁草色荒宮燕槐陰遠驛驩

湖通朝汲井潮動夜眠樓早向臨平過荷花已欲秋

荅高廉同飲後見寄

竹林清暑宴客散獨歸時愁記歡餘別醒慙醉後詩  
蟬催斜景急鳥度廣川遲何事聞鍾處勞君尚遠思

沈徵士鉉野亭

清時猶在野獨卧見高情移艇聞煙唱釣簾看雨耕  
江晴雙鶴下樹晚一牛鳴回首徒相憶柴車不入城

題鑿師王隱君墓表後

孤舟別楚水客鬢已蒼蒼竟賦招魂此虛傳續命方  
悲風栢隴小積雨藥園荒生城雖能悟看碑亦感傷

贈朱山人

老來嫌衆依澗獨開房積雨苔生桁迴風葉滿床  
學僧持淨律避客錄竒方若問塵中事無聞不是忘

溪上

秋色共溪長遊人笑語涼萍開天側影蓮墮水流香  
魚鬪和星澹禽置帶兩張從今推桂棹不必問瀟湘

次韵揚儀曹雨中

雨中池閣曉清簾薦文漪陰恐晴期遠寒疑暑候遲  
荷高擎欲折柳重舞難歌應阻陪高詠開簾看散絲

寄錢塘諸故人

年少客名都狂遊每共呼荷深箬在舫竹靜天鳴壺  
明月潮千里殘陽雨半湖故人能念否歡意近來無

送烏程馮明府

青山若下南一騎入晴嵐縣治琴聲古泉香酒味甘  
竹攔春護鴨葦箔夏分蚕大小馮君後傳家爾寔堪

喜了上人見過

幾時西澗別忽喜過家園澹泊林間供虛空世外言  
豆花零晚架瓜蔓絡秋垣莫厭頻相顧衙門久息喧

病目

閉目洗黃蓮深窓坐兀然未忘聽鳥興暫絕看花緣

問女知簷日噴奴畏竈煙頭因無見處得證定心禪  
病目不飲

患目未全明鑿教謝麴生暫得彭澤止恐學左丘盲  
壁下蘭尊掩林間藥臼鳴坐聽連日雨何物慰閒情

賦得蟹送人之官

吐沫亂珠流無腸豈識愁香宜橙實晚肥過稻花秋  
出斷來深浦隨燈聚遠洲郡齋初退食可怕有監州

江上早發

蒼蒼汀霧起向處望高城游子曉初發屋人寒未耕  
犬鳴林月落魚躍浦風生已有先行者烟中聞棹聲

客舍喜姪庸至

客裏逢人喜相過况阿宜遠遊驚歲晚多難惜門衰  
帆落江橋近鐘來野店遲一杯燈下語渾似在家時

哭周記室

萬里一羈臣悲歌楚水春湯期重會面竟作永傷神  
主祭唯孤姪收詩有故人獨揮聞笛淚斜日下西隣  
過永定廢寺

亂後僧何去門閒落葉時畫昏秋蠹老齋斷午禽飢  
罷說傳心法猶看賜額碑不知興壞理來此豈無悲

楓橋送丁鳳

紅葉寺前橋停君晚去橈醉應忘世難歸不計程遙  
山隱初沉日風催欲上潮離竟來此處還似灞陵銷  
盜發漢侍中許或墓

古冢竟誰穿虛傳錮寂堅玉魚宵已出石獸曉猶眠  
長夜俄看月幽臺不掩泉須知摸金者亦到漢陵前  
過海昌贈李侯

閒廳晝下簾秋色滿踈鬢久戍殘兵老多貧長吏廉  
陰風潮動郭晴日地生鹽三老相逢說年來戶賸添  
送易從事祖飲南渚

踈楊映老荷別處最秋多送客年年路愁人日日波

霞明添醉色風急斷離歌莫爲官程促青山易看過

題張靜昼畫

楚客寫荆岑秋雲隔浦陰人家連橋塢水廟映楓林  
亂後清遊歇愁邊遠色深相看休向晚怕有峽猿吟

夜懷王校書

燈暗獨吟餘踈桐月滿除蟲寒初入戶鼠餓欲侵書  
河漢三更望江湖兩地居相思無去夢今夜恨何如

荅陳則見寄

何由慰遠思獨詠寄來詩行路方難日清秋欲盡時  
江多驚鴈火樹少宿烏枝早晚如相見應憐有髮絲

賁藥

葉燥井泉清山窓藥在鐙燈前看火候枕上聽潮聲  
吟方就香來病已輕何時采芝木養得羽翰成

牧

自誇黃犢健登壠共揮鞭遂弄將斜日蓑披欲斷烟  
歸鴉流水外踈樹舊庄前應笑侯門客騎驢走歲年

送石明府之崑山

茂苑行春罷携琴又向東潮聲數里外山色半城中  
帆帶桃花雨衣翻柳葉風島夷聞善政爲有船舶通

過城西廢塢

亂前遊宦熟亂後問都迷園散栽花戶林荒采菊蹊  
廢泉流圃淺斜日下城低唯有烟中鳥迎人似舊啼

送范架閣赴嘉禾兼簡李史君

陸相祠前路孤舟欲上時空江難晚別荒郡易秋悲  
月送潮生早雲隨鴈去遲幙中知有子太守只題詩

喜呂山人見過江館

非君憐夙契誰肯顧柴門日短清江路風高大樹村  
交呈新著稿同發舊藏尊莫便尋歸棹心懷未盡論

贈隣友

同居一塢中只隔水西東林近書燈露溪迴酒舫通

放鳧長合隊移竹每分籠只恐君徵起難期作兩翁  
雨中就陳卿飲酒醉歸聞丁二卧病客樓酌  
慰之

我醉聽歌後君愁卧病中山雲秋郭暗江雨夜樓空  
短燭知頻剪清樽恨不同題詩非措手那得愈頭風

送醫士宋君之江上

詩瓢與藥囊此去即行裝跡隱名猶在交親意未忘  
剔芒繡舊帙嘗草識新方春水孤舟起還來問竹房

屏五

飲水依道者心清無衆喧幽花落半樹踈起過荒園

看山易云夕尋澗偶窮源欲喻靜中趣居然忘我言

送董湖州

五馬貴專城初勞問俗行舟車輕客稅鼓角靜邊聲  
曉市烟中集春會雪後耕茗山與茗水應比使君清

效唐人贈邊將

翩翩越騎將負勇出山西  
駭虜誇猿臂封侯賭馬蹄  
候烽河外暗伏幟草中低  
欲雪憑陵耻須禽左谷蠡

送董湖州

五馬貴專城花兼赤綬明政條民卞識賦籍吏初呈  
山籠輸茶至溪船摘芟行非將茗嘗水誰比使君清

晚次西陵館

匹馬倦嘶風蕭蕭逐轉蓬地經兵亂後歲盡客愁中  
晚渡隨潮急寒山舊驛空可憐今夜月相照宿江東

送顧別駕之邊郡

故人雖盡別相去獨君賒綠路雲千垆臨邊樹一家  
渡江船載馬到館燭驚鴉莫歎孤城廢春來尚有花

送魯恬歸靈隱

遊方應未久柳色變新年在路逢春雪還山訪冷泉  
鍾催投寺錫燈照泊江船法意休多問無言即是禪

江上寄王校書行

寥落舊歡違江邊獨掩扉隣家聞暮笛客舍試春衣  
宿鳥歸山亂行人渡水稀相思比花絮斜日繞城飛

送越將罷鎮

楚客佩吳鴻臨邊最有功讀書圍壁裏賭酒射堂中  
拂出莎城雨茄吹柳浦風越人相感意應與暮潮東

送王稹赴大都至正庚子作

王郎歌莫哀且酌姑蘇臺獨客自傷別諸侯誰愛才  
關河千里去宮闕五門開未肯輕齊虜新從下土來

送孫主簿之德清孫善琴

山水匝秋成君行思已清道逢迎吏拜田雜戍人耕

地遠知邊信家貧稱縣名應携一琴去相和長官鳴  
留別李侯

梅發津亭壯春隨使節迴線多游子服酒滿故人杯  
鍾送橫江雨車盤出峽雷平生感知已臨別更徘徊

寄秦公

禪屋紫閣陰欲去問安心野岫隨流曲山門隱樹深  
千燈燃雨塔一磬出風林想見跏趺處雲多不可尋

送王才歸錢塘

南歸猶落魄北上已蹉跎草草官亭酒勞勞客路歌  
親知今日少山水故鄉多七首空留在酬恩竟若何

送長洲周丞陞吳縣令

青山隔苑橋改邑去非遥官食新添俸民傳舊布條  
稻花迎午放荷葉待秋凋寂寞長洲路空聞五袴謠

冬至夜喜逢徐七

君來同客館把酒夜相看動是經年別能辭盡文歡  
雪明窓促曙陽復座銷寒世路今如此懸知後會難

送史丞之海門史淮東

黃茅連霧雨此地久荒涼日出岨夷迹江通渤澥長  
改官非請宦到邑是還鄉海上遙聞說歸人已裹糧

夜雨

砌冷一蛩急空虛諸葉稀蕭條風雨夜幽卧掩床帟  
隣杵聽初歇齋燈看尚散忽憂歲暮事聊食故山薇  
師山周君客濠上思歸未得因話舊隱圖求

予賦詩

幾年留客舍千里念家山得向圖中見猶勝夢裏還  
菊畦經雨發薜屋帶雲闌楚奏無窮意相忘賴此間  
微恙江館夜作

寒燈坐江館愁通歲闌珊苦恨應催老微疴似忌閑  
鷄前星列屋鴈外月臨灣明日將求藥身猶懶入關  
逢李止水道人

吹簫月滿舟何處昔頻遊后土瓊花觀仙人黃鶴樓  
別來應未老道在復何求相見俄還去江城楓葉秋  
冬至夜雨感懷

節序閑何事徒令百感生升沉當世事存歿故人情  
寒在微陽氣風踈緩漏聲他年說今夜聽雨宿南城  
過戴居士宅

江邊戴顓宅地好惟幽尋高樹藏卑屋新莖補舊林  
鳥成留客語雲作護花陰不負滄洲約重來論夙心

歸鴉

啞啞噪夕輝爭宿不爭飛未逐冥鴻去長先野鶴歸

荒村流水遠古戍淡烟微借問寒林樹何枝最可依  
晚坐南齋寫懷二首

鴈過南齋暮魂消默坐中賤貧長作客愁病欲成翁  
窓洒侵燈兩庭翻走葉風山妻猶解事未遣酒樽空

又

歲景看垂暮羈踪嘆屢遷有身能去俗無術但論天  
翁老江城酒床寒客舍種愁中還一笑兒女滿燈前

廿四日雨中夜坐

不與貧後歎每動醉中吟涉難知天意居閑長道心  
鴈聲隨雨到鬢色與年侵獨想平生事蕭然坐夜深

又

身退惟宜靜謀疎且任真樓空三日雨書亂一床塵  
丘隴多良友江湖獨放臣莫嗟年景暮轉眼是新春  
書曹谷才世訓詩後為其子季常作

綠野高人第清門舊相家篇章存月露翰墨走龍蛇  
作戒言惟切詒謀歲已賒過庭雖有訓得與共傳誇

題畫為僧賦

行負貝多書青山別舊廬亂尋安土避貧借破庵居  
吟苦非愁裏禪癯似病餘思歸休看畫來去盡空虛

題華氏瑞檜圖

誰指牛眠處江山地最靈氣鍾孤檜碧祥表五芝青  
影動春雲亂香敷曉露零知君家種息曾讀墓前銘

樵

山中朝佩芥遠路入烟蘿伐木驚禽起穿雲畏虎過  
石根供倦憇谷口應高歌莫看仙人奕歸來恐爛柯

夜投西寺

江月上秋衣來敲遠寺扉棲禽驚客至睡僕訝僧歸  
鍾度行廊遠燈留浴院敞非無招旅館禪窠願相依  
賦得銅人贈醫士

舊鑄明堂像新圖太史書體成金治內穴試石砧餘

摩狄年空老求仙事亦虛君懷濟人意爲此竟何如

夏景園廬

門掩一齋空幽懷獨坐中本同趨府客偶似灌園翁  
魚闖萍溪雨蟬嘶柳巷風未須論夙志聊復去樊籠  
寄題崇明學宮天水面軒

夜氣虛明際齋宮息衆喧詠餘風度瑟坐久月當軒  
雲盡無留意池清有活源心知此時意欲論竟何言

送柔上人得船字

麓林初結夏東去又飄然罷說天台講行參雪竇禪  
殘經松下几遠磬月中船不用空悲別師今絕妄緣

中秋琵琶洲宴集得紅字

香霧夕濛濛孤高桂樹東影踈林際月涼近水邊風  
重露流杯綠繁星亂燭紅明年江海上高會與誰同

悼女

保養常多闕艱難愧我貧悽悽臨歿語的的在生親  
遺佩寒江月殘燈夜室塵中郎他日藁留付與何人

亂後經婁江舊館

此地昔相依重來事已非新年芳草遍舊里熟人稀  
遠燕皆巢樹閑花自落磯遺踪竟難覓愁步夕陽歸

悼故顧宜人

避亂應千里悲復幾年塵埃初嫁鏡兩雪未歸船  
有子隨行旒無人與築錢束何處吊衰草暮江邊

過劉山人園

欲問幽棲處花蹊逐澗迴夕烟羅幙卷春雨藥房開  
野鶴知琴意山蜂給酒材城中少聞客誰解引車來  
吹韻楊禮曹移疾之作

養疾深扉掩還應謝裕交鳥多風和語葵晚雨緘苞  
印向閑廳鎖鐘聞近寺敲相思愁莫過高樹古城坳  
送周履道入郭

離群方感愴况復與君違花隱歸城旆風吹渡水衣

須知喧寂異莫訝往來稀  
今夜空齋雨誰憐獨掩扉  
雨齋獨坐寫寄友

動與世相方端居學坐忘  
雨來池上樹烟起竹間房  
屋鳥非晴弄闌花是晚芳  
尋山期已阻遙望柰蒼蒼

次韻酬西園公

林鶯綠樹鼠池響食萍魚  
月戶雙砧落風亭一簟舒  
體便清夏健髮映早秋  
疎本自無愁事何煩酒破除

聞鄰家琵琶有感

清唱合琵琶當年碧玉家  
弄殘催酒急抱重向燈斜  
久別愁江樹重聽隔院花  
淚多思舊事不是客天涯

書王生扇

素質粉藤光蒲葵詎可方  
當懷驚抱月洒面怯沾霜  
宜助驅蠅用羞隨走馬  
狂過時甘自棄不怨井梧黃

送胡銓遊會稽

山水獨行徧茗溪仍刻溪  
衣逢新火喊舟渡雜蒼  
迷黃絹尋碑讀紅裙  
賭墅携蘭亭舊基在觴咏付新題

送陳少府赴嘉定

雨歇桑陰路爭迎紺幟  
車湖多田水滿城小井烟  
疎夜戶猶聞大春濤欲上  
魚期君布新政去卜海濱  
居報恩寺逢蔣主簿就  
送還如臯

一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

貧語酒寒頻新年見故人別時煙寺晚歸路雪江春  
造次燈前面蒼茫船上身明朝楚谷祭莫歎縣厨貧

贈姚東曹

爐氣拂春衣分曹直省闈相門旌節重即舍簡書稀  
夜直聽鍾度晨朝策馬飛共憐玉掾少粉署有光輝


鍾山雲霽圖



山勢識龍蟠香臺擁翠巒草堂猿嘯晚蕙帳鶴驚寒  
雲擁梁僧塔苔封宋帝壇昔年遊歷處今向畫中看

立秋日

碧天收夏色節氣變清商暑自今宵伏風從此日涼

金莖初有露玉氣未成霜  
晴日并凄雨潛催草木黃





Vertical text columns on the right page, including a faint rectangular border and a dark ink smudge on the right edge.

